

frustrà libantes, & impingentes in viis suis, in semitis sæculi, ut ambularent per eas in itinere non trito:

* *Infr.* 19. 8. & 49. 13. & 50. 13. 16. * ut fieret terra eorum in desolationem, & in sibilum sempiternum: omnis qui præterierit per eam obstupescet, & movebit caput suum:

17. Sicut ventus urens dispergam eos coram inimico: dorsum, & non faciem ostendam eis in die perditionis eorum.

SABB. 18. Et dixerunt: Venite, & cogitemus contra Ieremiam cogitationes: non enim peribit lex à sacerdote, neque consilium à sapiente, nec sermo à propheta: venite, & percutiamus eum linguâ, & non attendamus ad universos sermones eius.

19. Attende Domine ad me, & audi vocem adversariorum meorum.

20. Numquid redditur pro bono malum, quia foderunt foveam animæ meæ? Recordare quòd steterim in conspectu tuo, ut loquerer pro eis bonum, & averterem indignationem tuam ab eis.

21. Propterea da filios eorum in famem, & deduc eos in manus gladij: fiant uxores eorum absque liberis, & viduæ: & viri earum interficiantur morte: iuvenes eorum confodiantur gladio in prælio.

22. Audiatur clamor de domibus eorum: adduces enim super eos latronem repentem: quia foderunt foveam ut caperent me, & laqueos absconderunt pedibus meis.

23. Tu autem Domine scis omne consilium eorum adversum me in mortem: ne propitius iniquitati eorum, & peccatum eorum à facie tua non deleatur: fiant corruentes in conspectu tuo, in tempore furoris tui abutere eis.

CAPUT XIX.

Ieremias per lagunculam terream, quam fregit, ostendit populum Ierusalem perdendum gladio & fame in obsidione, in qua patres filios comedant, propter multiplicem ipsorum idololatriam & contemptum verbi Dei.

1. **H**ÆC dicit Dominus: Vade, & accipe lagunculam figuli testeam à senioribus populi, & à senioribus sacerdotum:

2. Et egredere ad vallem filij Ennom, quæ est iuxta intritum portæ scitilis: & prædicabis ibi verba, quæ ego loquar ad te.

3. Et dices: Audite verbum Domini

reges Iuda, & habitatores Ierusalem: hæc dicit Dominus exercituum Deus Israël: Ecce ego inducam afflictionem super locum istum, ita ut omnis, qui audierit illam, tinniant aures eius:

4. Eò quòd dereliquerint me, & alienum fecerint locum istum, & libaverunt in eo diis alienis, quos nescierunt ipsi, & patres eorum, & reges Iuda: & repleverunt locum istum sanguine innocentum.

5. Et ædificaverunt excelsa Baalim ad comburendos filios suos igni in holocaustum Baalim: quæ non præcepi, nec locutus sum, nec ascenderunt in cor meum.

6. Propterea ecce dies veniunt, dicit Dominus: & non vocabitur amplius locus iste, Topheth, & Vallis filij Ennom: sed Vallis occisionis.

7. Et dissipabo consilium Iuda & Ierusalem in loco isto: & subvertam eos gladio in conspectu inimicorum suorum, & in manu quærentium animas eorum: & dabo cadavera eorum escam volatilibus cæli, & bestiis terræ.

8. * Et ponam civitatem hanc in stuporem, & in sibilum: omnis, qui præterierit per eam, obstupescet, & sibilabit super universa plaga eius.

9. Et cibabo eos carnibus filiorum suorum, & carnibus filiarum suarum: & unusquisque carnem amici sui comedet in obsidione, & in angustia, in qua concludent eos inimici eorum, & qui quærent animas eorum.

10. Et conteres lagunculam in oculis virorum, qui ibunt tecum:

11. Et dices ad eos: Hæc dicit Dominus exercituum: Sic conteram populum istum & civitatem istam, sicut conteritur vas figuli, quod non potest ultra instaurari: & in Topheth sepelientur, eò quòd non sit alius locus ad sepeliendum.

12. Sic faciam loco huic, ait Dominus, & habitatoribus eius: & ponam civitatem istam sicut Topheth.

13. Et erunt domus Ierusalem, & domus regum Iuda sicut locus Topheth, immundæ: omnes domus, in quarum domatibus sacrificaverunt omni militiæ cæli, & libaverunt libamina diis alienis.

14. Venit autem Ieremias de Topheth, quòd miserat eum Dominus ad prophetandum, & stetit in atrio domus Domini, & dixit ad omnem populum:

15. Hæc dicit Dominus exercituum Deus Israël: Ecce ego inducam super civitatem hanc, & super omnes urbes eius uni-

universa mala, quæ locutus sum adversum eam: quoniam induraverunt cervicem suam ut non audirent sermones meos.

CAPUT XX.

Percussus Ieremias mittitur à Phassur in nervum, & ab eodem eductus vaticinatur illi tamquam pseudopropheta, & omnibus amicis eius, totique Iudæa captivitatem Babylonicam: conqueritur se irrideri & pati opprobrium ac persecutionem ob verbum Domini, maledicitque diei nativitatis suæ.

1. **E**T audivit Phassur filius Emmer sacerdos, qui constitutus erat princeps in domo Domini, Ieremiam prophetantem sermones istos.

2. Et percussit Phassur Ieremiam prophetam, & misit eum in nervum, quod erat in porta Benjamin superiori, in domo Domini.

3. Cumque illuxisset in crastinum, eduxit Phassur Ieremiam de nervo. & dixit ad eum Ieremias: Non Phassur vocavit Dominus nomen tuum, sed pavorem undique.

4. Quia hæc dicit Dominus: Ecce ego dabo te in pavorem, te & omnes amicos tuos: & corruent gladio inimicorum suorum, & oculi tui videbunt: & omnem Iudam dabo in manum regis Babylonis: & traducet eos in Babylonem, & percutiet eos gladio.

5. Et dabo universam substantiam civitatis huius, & omnem laborem eius, omneque pretium, & cunctos thesauros regum Iuda dabo in manu inimicorum meorum: & diripient eos, & tollent, & ducent in Babylonem.

6. Tu autem Phassur, & omnes habitatores domus tuæ ibitis in captivitatem: & in Babylonem venies, & ibi morieris, ibique sepelièris tu, & omnes amici tui, quibus prophetasti mendacium.

7. Seduxisti me Domine, & seductus sum: fortior me fuisti, & invaluisti: factus sum in derisum tota die, omnes subfannant me.

8. Quia iam olim loquor, vociferans iniquitatem, & vastitatem clamito: & factus est mihi sermo Domini in opprobrium, & in derisum tota die.

9. Et dixi: Non recordabor eius, neque loquar ultra in nomine illius: & factus est in corde meo quasi ignis exæstans,

claususque in osibus meis: & defeci, ferre non sustinens.

10. Audivi enim contumelias multorum, & terrorem in circuitu: Persequimini, & persequamur eum: ab omnibus viris, qui erant pacifici mei, & custodientes latus meum: si quo modo decipiatur, & prævaleamus adversus eum, & consequamur ultionem ex eo.

11. Dominus autem mecum est quasi bellator fortis: idcirco qui persequuntur me, cadent, & infirmi erunt: confundentur vehementer, * quia non intellexerunt opprobrium sempiternum, quod numquam delebitur.

12. Et tu Domine exercituum * probator iusti, qui vides renes & cor: videam quæso ultionem tuam ex eis: tibi enim revelavi causam meam.

13. Cantate Domino, laudate Dominum: quia liberavit animam pauperis de manu malorum.

14. * Maledicta dies, in qua natus sum: dies, in qua peperit me mater mea, non sit benedicta.

15. Maledictus vir, qui annunciavit patri meo, dicens: Natus est tibi puer masculus: & quasi gaudio lætificavit eum.

16. Sit homo ille ut sunt civitates, quas subvertit Dominus, & non pœnituit eum: audiat clamorem manè, & ululatum in tempore meridiano:

17. qui non me interfecit à vulva, ut fieret mihi mater mea sepulchrum, & vulva eius conceptus æternus.

18. Quare de vulva egressus sum, ut viderem laborem & dolorem, & consumerentur in confusione dies mei?

CAPUT XXI.

Respondet Ieremias nunciis Sedecia regis super obsidione regis Nabuchodonosor, Iudam vastandum peste, gladio, fame & captivitate, solosque eos victuros qui transfugerint ad Chaldaeos: hortatur etiam ut faciant iudicium, ne indignatio Domini penitus ipsos consumat.

1. **V**erbum, quod factum est ad Ieremiam à Domino, quando misit ad eum rex Sedecias Phassur filium Melchia, & Sophoniam filium Maasia sacerdotem, dicens:

2. In-

Hæc ad ea quæ dicimus *infr.* cap. 37. 17. referenda sunt, & anno M. 3415. tribuenda, cum continuata Ierofol. obsidione iterum per legatos suos Ieremiam consulit Sedecias.

2. Interroga pro nobis Dominum, quia Nabuchodonosor rex Babylonis praeliatur adversum nos: si forte faciat Dominus nobiscum secundum omnia mirabilia sua, & recedat a nobis.

3. Et dixit Ieremias ad eos: Sic dicetis Sedeciae:

4. Hac dicit Dominus Deus Israel: Ecce ego convertam vasa belli, quae in manibus vestris sunt, & quibus vos pugnatistis adversum regem Babylonis, & Chaldaeos, qui obsident vos in circuitu murorum: & congregabo ea in medio civitatis huius.

5. Et debellabo ego vos in manu extenta, & in brachio forti, & in furore, & in indignatione, & in ira grandi.

6. Et percussiam habitatores civitatis huius, homines & bestiae pestilentia magna morientur.

7. Et post haec ait Dominus: dabo Sedeciam regem Iuda, & servos eius, & populum eius, & qui derelicti sunt in civitate hac a peste & gladio, & fame, in manu Nabuchodonosor regis Babylonis, & in manu inimicorum eorum, & in manu quaerentium animam eorum, & percussiet eos in ore gladii, & non flectetur, neque parces, nec miserebitur.

8. Et ad populum hunc dices: Hac dicit Dominus: Ecce ego do coram vobis viam vitae, & viam mortis.

9. * Qui habitaverit in urbe hac, morietur gladio, & fame, & peste: qui autem egressus fuerit, & transfugerit ad Chaldaeos, qui obsident vos, vivet, & erit ei anima sua, quasi spolium.

10. Posui enim faciem meam super civitatem hanc in malum, & non in bonum, ait Dominus: in manu regis Babylonis dabitur, & exuret eam igni.

11. Et domui regis Iuda: Audite verbum Domini,

12. * domus David, hac dicit Dominus: Iudicate manè iudicium, & eruite vi oppressum de manu calumniantis: ne forte egrediatur ut ignis indignatio mea, & succendatur, & non sit qui extinguat propter malitiam studiorum vestrorum.

13. Ecce ego ad te habitatricem vallis solidae atque campestris, ait Dominus: qui dicitis: Quis percussiet nos? & quis ingredietur domos nostras?

14. Et visitabo super vos iuxta fructum studiorum vestrorum, dicit Dominus: & succendam ignem in saltu eius: & devorabit omnia in circuitu eius.

CAPUT XXII.

Hortatur regem Iuda & populum eius, ut faciant iudicium & iustitiam, quod omnia prospere ipsis succedant; alioqui erunt omnes in direptionem: quodque Sellum sive Ioakim filius Iosiae regis Iuda non sit in Ierusalem reversurus: increpat eos qui ex iniustitia adificant, promittentes sibi felicitatem patrum iustorum: vaticinatur adversus impium Ioakim filium Iosiae, quod sepultura sit cariturus, & huius filius impiissimus Iechonias cum matre ducendus in Babylonem, ibique moriturus.

1. Hæc dicit Dominus: Descende in domum regis Iuda, & loqueris ibi verbum hoc,

2. & dices: Audi verbum Domini rex Iuda, qui sedes super folium David: tu & servi tui, & populus tuus, qui ingredimini per portas istas.

3. Hæc dicit Dominus: Facite iudicium & iustitiam, & liberate vi oppressum de manu calumniatoris: & adveniam, & pupillum, & viduam nolite contristare, neque opprimatis inique: & sanguinem innocentem ne effundatis in loco isto.

4. Si enim facientes feceritis verbum istud: ingredientur per portas domus huius reges sedentes de genere David super thronum eius, & ascendentes currus & equos, ipsi & servi, & populus eorum.

5. Quod si non audieritis verba hæc: in memetipso iuravi, dicit Dominus, quia in solitudinem erit domus hæc.

6. Quia hæc dicit Dominus super domum regis Iuda: Galaad tu mihi caput Libani: si non posuero te solitudinem, urbes inhabitabiles.

7. Et sanctificabo super te interficientem virum & arma eius: & succident electas cedros tuas, & præcipitabunt in ignem.

8. Et pertransibunt gentes multae per civitatem hanc: & dicit unusquisque proximo suo: Quare fecit Dominus sic civitati huic grandi?

9. Et respondebunt: Eò quod dereliquerint pactum Domini Dei sui, & adoraverint deos alienos, & servierint eis.

10. Nolite flere mortuum, neque lugentis super eum fletu: plangite eum, qui egre-

Anno M. 3394.

Anc. Chr. 610.

* Ioachaz sive Sellum.

* Supr. 21. 12.

* Deut. 29. 24.

3. Reg. 9. 8.

* Iosiam regem optimum.

* Infr. 22. 3.

* Infr. 38. 2.

* sellum egreditur, quia non revertetur ultra, nec videbit terram nativitatis suae.

11. Quia hæc dicit Dominus ad Sellum filium Iosiae regem Iuda, qui regnavit pro Iosia patre suo, qui egressus est de loco isto. Non revertetur huc amplius:

12. sed in loco, ad quem transtuli eum, ibi morietur, & terram istam non videbit amplius.

13. Væ qui ædificat domum suam in iniustitia, & cenacula sua non in iudicio: amicum suum opprimet frustra, & mercedem eius non reddet ei.

14. Qui dicit: Ædificabo mihi domum latam, & cenacula spatiosa: qui aperit sibi fenestras, & facit laquearia cædrina, pingitque sinopide.

15. Numquid regnabis, quoniam confers te cedro? pater tuus numquid non comedit & bibit, & fecit iudicium & iustitiam tunc cum bene erat ei?

16. Iudicavit causam pauperis & egeni in bonum suum: numquid non ideo quia cognovit me, dicit Dominus?

17. Tui verò oculi & cor ad avaritiam, & ad sanguinem innocentem fundendum, & ad calumniam, & ad cursum mali operis.

18. Propterea hæc dicit Dominus ad Ioakim filium Iosiae regem Iuda: Non plangent eum: Væ frater & væ soror: non concrepabunt ei: Væ Domine, & væ inclyte.

19. Sepulturam asini sepelietur, putrefactus & proiectus extra portas Ierusalem.

20. Ascende Libanum, & clama: & in Basan da vocem tuam, & clama ad transfuges, quia contriti sunt omnes amatores tui.

21. Locutus sum ad te in abundantia tua, & dixisti: Non audiam: hæc est via tua ab adolescentia tua, quia non audisti vocem meam:

22. Omnes pastores tuos pascet ventus, & amatores tui in captivitatem ibunt: & tunc confundèris, & erubesces ab omni malitia tua.

23. Quæ sedes in Libano, & nidificas in cedris, quomodo congemuisti cum venissent tibi dolores, quasi dolores parturientis?

24. Vivo ego, dicit Dominus: quia si fuerit Iechonias filius Ioakim regis Iuda, annulus in manu dextera mea, inde evellam eum.

25. Et dabo te in manu quaerentium animam tuam, & in manu quorum tu formidas faciem, & in manu Nabuchodonosor

* Qui & Ioachim (4. Reg. 23. 7. 8. & 2. Par. 36. 8.) hic patri Ioakimo successit ann. M. 3405. Ant. Chr. 599. Vid. annot. ad cap. 3. l. 1. Paral.

regis Babylonis, & in manu Chaldaeorum. 26. Et mittam te, & matrem tuam, quæ genuit te, in terram alienam, in qua nati non estis, ibique moriemini:

27. & in terram, ad quam ipsi levant animam suam ut revertantur illuc: non revertentur.

28. Numquid vas fictile atque contritum vir iste Iechonias? numquid vas absque omni voluptate? quare abiecti sunt ipse & semen eius, & proiecti in terram, quam ignoraverunt?

29. Terra, terra, terra, audi sermonem Domini.

30. Hac dicit Dominus: Scribe virum istum sterilem, virum, qui in diebus suis non prosperabitur: nec enim erit de semine eius vir, qui sedeat super folium David, & potestatem habeat ultra in Iuda.

CAPUT XXIII.

Comminatur Dominus pastoribus qui gregem dispergunt ac lacerant, promittens se reduciturum reliquias gregis ad locum suum, ac suscitaturum pastores & germen David iustum, sub quo magna fruetur felicitate: vaticinatur quoque pseudopropheta æternum opprobrium, qui populum decipiunt, volentes ut obliviscatur nominis Domini, & prophetant absque Dei voluntate, sermonem Domini Onus appellantes.

1. Væ pastoribus, qui disperdunt & dilacerant gregem pascuæ meae, dicit Dominus.

2. Ideo hæc dicit Dominus Deus Israel ad pastores, qui pascunt populum meum: Vos dispersistis gregem meum, & eiecistis eos, & non visitastis eos: ecce ego visitabo super vos malitiam studiorum vestrorum, ait Dominus.

3. Et ego congregabo reliquias gregis mei de omnibus terris, ad quas eiecero eos illuc: & convertam eos ad rura sua: & crescent & multiplicabuntur.

4. Et suscitabo super eos pastores, & pascunt eos: non formidabunt ultra, & non pavebunt: & nullus quaeretur ex numero, dicit Dominus.

5. * Ecce dies veniunt, dicit Dominus: & suscitabo David germen iustum: & regnabit rex, & sapiens erit: & faciet iudicium & iustitiam in terra.

6. In diebus illis salvabitur Iuda, & Israel habitabit confidenter: & hoc est

Exech. 13. 3. & 34. 2. Hæc est 2. prædictio iudiciorum Dei adversus regiam stirpem, & magistratus, cui consolacionem subicit promissam in-stauracione per Christum. * Supr. 3. 15. * Isai. 4. 2. 40. 11. & 45. 8. Infr. 33. 14. Ez. 34. 11. Dan. 9. 24. Ioan. 1. 45. * Deut. 33. 28.

no-